



Siverth K. Heilmann

UPA 2024/114

Atassut

25. April 2024

Inatsisartut inatsisaat nr. 19, 30. oktober 1992-meersumi, Inatsisartullu inatsisaanni nr. 23, 18. november 2019-mi allanngortinneqarsimasoq, siunertaavorlu sukkulaanut, allanullu sukkulaartalinnut (kakaaviunngitsoq), lakridsinut, allanullu lakridsitalinnut, marcipanit allaallu marcipanitallit, karamellit, milukaat, sukkuaqqat il.il. sukkullit sukkoqanngitsullu § 1, imm. 1. nr. 2-miittunut akitsuutip peerneqarnissaa pillugu Inatsisartut aalajangiiffigisassaattut siunnersuut.

(Inatsisartunut ilaasortaq Aqqalu C. Jerimiassen, Atassut)

Siullermik Inatsisartuni ilaasortaq Aqqalu C. Jerimiassen, Atassut, qulaani qulequtarineqartumut siunnertaanut qujanaq, imatullu Atassummiit oqaaseqarfigissavarput.

”Nunarpunngooq najoruminarnerulersitsigu” Naalakkersuisut kusanaqisumik akileraartarnermut aaqqissuusseqqinnertut taasartik qulequtsersimavaat. Taamaattorligooq peqqinnerulerniassagatta akitsuutiteqartariaqarpoq. Ila tamanna ilumoornerpa?

Nunarsuarmi inuuniarnikkut akisunerpaat ilaanni najugaqaratta peqqissupilussuusimassanerpugut? Taamaaqqajangilarmi. Peqqinnissaqarfippulluunniimmi artorsarpoq. Kigutilerisumukarniarnerlu ajornakusoorluni. Peqqinnerulissagutta tamatta timerput paarilluassavarput, peqqinnissaqarfeqarlutalu angummassinnaasumik.

Nioqqutissat taamak akisoreertigisut, qaavatigut akitsuuterparujussuarnik akitsorsaqqittariaqanngilagut. Inuit kaasarfiiniit aallertuarneq naammalerpoq. Siunnersuuteqartog Aqqalu C. Jerimiassen isumaqatigingaarlugu Atassummiit soorunalimi taparserlugu, siunnersuutaa tamakkiisumik akueraarput.

Ajoraluartumimmi Naalakkersuisut allannguutissatut siunnersuutaat atorsinnaanngilaq, tassaaginnarpoq itigartitsissut kusassagaq. Taamaattorli akileraartarnermut ataatsimiititaliamut siunnersuut innersuukkusupparput.

Qujanaq.